

Schneewitt von unnen bes boaben, de Stert
 Schwart, Ohren unn Föte doato;
 Ach! keek ick et an, wo vergnögt word min Hert,
 Keen König de freut sick nich so.

As Ferken doa kreeg ick't unn toog't mi heran
 Met Melk unn Tüffeln unn Kaff,
 Unn tratt ick ook sächtken to'n Koaben hennan,
 Gliek merkte he, dät et wat gaf,

Unn sprung fix up unn grunzte doato,
 Unn moakte ick up de Dhör,
 Dänn keek he mi an so herzlich froh —
 Den Blick vergät ick nich wär!

Unn ripsch! rapsch! runner ut mine Hand
 Fratt Allens he weg noa de Noáth,
 Vörnut sön Stückelken Zuckerkant
 Unn Känten von frischet Brot.